

Script of Morning Gojri News Bulletin 06 December 2024 at 1015Hrs

ما رنینگ گو جری نیوز بلیٹن مو رخہ 06 دسمبر 2024

یوہ آکا شوانی جموں ہے محمد آصف لودھی تیں خبر سنو۔

Gas Pipeline

اک سو 75 کلو میٹر غا چھنڈا آلا گُرداسپور جموں توی قدرتی گیس با رے پروجیکٹ غو تعمیراتی کم شروع ہو گيو ہے۔ اُمید کی جا رہی ہے جے اس پروجیکٹ غی مدد نال سن 2026 توڑی جموں غا بسنیک لوکان نانہ گھریلو گیس سپلائی ہو سکے گی۔ اس سلسلہ مانہ وزیر اعظم غا دفتر مانہ مرکزی مملکت ڈاکٹر جتندر سنگھ نے سماجی میڈیا ور اک پوسٹ سانجی کرتاں واں جانکا ری دتی ہے جے گیس بھارتیہ اتھارٹی یعنی ”جی اے آئی ایل“ غی طرفوں اس کم غی شروعات کر لی گئی ہے۔ اس پروجیکٹ غی شروعات نانہ اک بڑی تبدیلی قرا دیتاں واں ڈاکٹر سنگھ نے کہیو جے وزیر اعظم نریندرمو دی غی سربراہی آلی حکومت غی طرفوں جا ری کیا گیا اس پروجیکٹ غی مدد نال عام شہریاں نانہ بَن مو نڈہ ور گیس سلینڈر چکن غے بجائے کھر کھر گیس سپلائی مہیا کی جائے گی۔

CM Statehood

جموں کشمیر غا وزیر اعلیٰ عمر عبداللہ غو کہنو ہے جے وے جموں کشمیر غو ریا ستی درجو بحال کران غی خاطر وزیر اعظم نریندرمو دی تے وزیر داخلہ امت شاہ نال معاملو چاویں گا۔ وزیر اعلیٰ نے اس گل غی جانکا ری جا تے روز سکیمز ہسپتال غو 42 واں یوم تاسیس منایا جان غا موقعہ ور موجود میڈیا غا نمائنداں سنگ گل بات کرتاں واں دتی ہے۔ اُن نے کہیو جے وزیر اعظم تے وزیر داخلہ حالیہ جہا رکھنڈ تے مہا راشٹرا غا انتخابات مانہ مصروف تھا تے بَن اُن کولے گل کرن غووقت موجود ہے۔ جناب عبداللہ نے اُمید ظاہر کی ہے جے وزیر اعظم نریندرمو دی جموں کشمیر مانہ پا رلیمانی تے فر اسمبلی چناواں مانہ ات غا لوکان نال جموں کشمیر غو ریا ستی درجو بحال کرن واسطے کیا گیا وعدہ نانہ ضرور پورو کریں گا۔

Weather

گذشتہ 2 ہفتاں تیں جموں کشمیر غا اُچیرا پہاڑی علاقان مانہ ہو رہی برفبا ری توں بعد بَن محکمہ موسمیات نے بدل برن غاکھٹ امکان ظاہر کیا ہیں۔ محکمہ موسمیات غو کہنو ہے جے اکتوبر 2024 تیں بعد 70 فیصد کھٹ ہو گیا ہیں تے اس طرح گذشتہ 2 مہینہ غا عرصہ مانہ چھڑی 19 عشاریہ 9 ملی میٹر بارش درج کی گئی ہے۔ اواں محکمہ موسمیات غا سربراہ ڈاکٹر مختار احمد نے جانکا ری دتی ہے جے موسم آئندہ 7 دسمبر توڑی زیا دہ تر خشک رہ غو جد کہ 8 تے 9 دسمبر شام چر توں بعد جموں تے کشمیر صوبہ غی کُجھ اُچیری جگہاں ور معمولی بارش ہو سکے۔ ڈاکٹر مختار نے مزید جانکا ری دیتاں واں دسیو ہے جے 14 تے 15 دسمبر نانہ موسم خشک وے گو جد کہ 15 تے 16 دسمبر نانہ کُجھ اُچیرا پہاڑی علاقان مانہ بدل برن غے نال نال برف وی پے سکے۔

RNU Raising Day

آکاشوانی جموں غو علاقائی خبراں غو شعبو آج اپنو 54 ووں یوم تا سیس منا رہیو ہے۔ یوم تاسیس غا موقعہ ور آکاشوانی جموں غا سامعین نے نے مبارکباد دتی ہے۔ اس سلسلہ مانہہ کُجھ دیر پہلاں 9 بجے 30 منٹ ور اک خصوصی پروگرام نشر کیو گیو ہے۔ جس مانہہ علاقائی خبراں غا شعبہ غا سابق افسراں تے نیوز ریڈراں غا سنیہا تے انٹرویو نشر کیا گیا ہیں۔ واضع رہ جے آج شام 7 بجے 15 منٹ غو اک ہو ر خصوصی پروگرام منعقد وے گو۔ جس مانہہ آر این یو غا کم کاج غے نال نال جموں خطہ غی منی پڑمنی، شخصیات غی طرفوں یوم تا سیس غا موقعہ ور مبارکبادی غا سنیہا نشر کیا جائی گا۔ واضع رہ جے اس پروگرام غے دوران خبراں غا شعبہ مانہہ کم کرن آلا نیوز، ایڈیٹر، نیوز ریڈراں تے ترجمہ کاراں سمیت دوجا عملہ ناتہہ بکھ بکھ انعامات نال وی نوزایو جائے گو۔

Pir Panchal

جل شکتی، جنگلات و ماحولیات تے قبائلی معاملن غا وزیر جا وید احمد رانا نے جا تے تہاڑے متعلقہ عہدیداراں غی اک میٹنگ بلاغے راجوری تے پونچھ ضلعان مانہہ جل جیون مشن غی عمل آوری بارے کم کاج غو جائزولیو ہے۔ میٹنگ غے دوران جناب رانا نے بکھ بکھ سکیمان غی مکمل عمل آوری غے نال نال رقومات غا استعمال بارے وی تفصیل نال جانکاری حاصل کرتاں وان متعلقہ افسراں ناتہہ ہدایت کیں ہیں جے پیر پنجال خطہ مانہہ تاواں تون تا ولاں جل جیون مشن غے تحت پانی سپلائی ناتہہ بحال کیو جا ئے۔ اس سلسلہ مانہہ اُن نے سختی نال ہدایت کرتاں وان کہیو ہے جے تمام پروجیکٹاں ناتہہ متھی گئی مدت مانہہ مکمل کیو جائے۔ وزیر موصوف نے محکمہ جل شکتی غا چیف انجینئر ناتہہ خصوصی ہدایت کیں ہیں جے پانی سپلائی غا نظام مانہہ بہتری آن غے لوکاں غی بھلائی بہتری ناتہہ یقینی بنایو جائے۔

Tourism

محکمہ سیاحت غی کمشنر سیکریٹری یشامدگل نے جا تے روز سول سیکریٹریٹ جموں مانہہ محکمہ غا اعلیٰ عہدیداراں غی اک میٹنگ بلاغے سیاحت غے متعلق ترقیاتی سرگرمیاں غو جائزولیو۔ میٹنگ غے دوران ترقیاتی کماں غی منصوبہ بندی، سیاحت آلی بکھ بکھ پڑایاں ور حفاظتی بندوبست تیں علا وہ سکرالہ ماتا بورڈ غی نوے سرے بحالی ور تفصیل نال گل بات کی گئی ہے۔ میٹنگ غے دوران محترمہ مدگل نے متعلقین ناتہہ ہدایت کیں ہیں جے جاری ترقیاتی پروجیکٹاں ناتہہ ویلے سر مکمل کر غے سیلانیاں ناتہہ سوکھت پُجانی جائیں۔ میٹنگ مانہہ سیاحت غی ترقی بارے سی ای اوز سمیت محکمہ خزانہ غا ڈائریکٹر تے سیاحت بارے جموں کشمیر غی ترقیاتی اتھارٹی غا منیجنگ ڈائریکٹر وی موجود تھا۔

Motivational Lecture

فوج غی طرفوں سرکاری ہائی اسکول بتیرا مانہہ طب علمان غی حوصلہ افزائی کرن غی خاطر اک پروگرام منعقد کرایو گیو۔ اس پروگرام غو مقصد نوجوانان ناتہہ بہادری نال مشکلات غو مقابلو کرن آلے پاسے راغب کرنو تھو۔ اس موقعہ ور فوج افسر لوک ناتہہ شرما نے بہادری نال ڈٹ غے مشکلات غو مقابلو کرن ور لو کہلتاں وان اُت موجود نوجوانان

تے مقامی لوکاں نانہہ کہیو جے وے اپنا اپنا کہراں ور قومی جھنڈو لا ویں۔ اس تیں علا
وہ نوجواناں نانہہ اپیل کی گئی جے وے بھارتی فوج مانہہ شامل ہو غے مُلک غا ذمہ دار
شہری بن غے مُلک مانہہ اپنو کردار ادا کریں۔
